



抽還手板愛用處十分輕省便衣剪家機飯炊躬稼且  
免支移係省帝憫龍鍾朝謁子長假毋煩申省笑木  
石虛齋暮年欣做端明提省 閑冷橐金散盡書筒來  
省有小小樓兒看山待月絕勝崔公望省兩鶴隨軒一  
奴負插此外諸餘從省把一生本末綠章奏過奉元都  
省

長相思 惜梅

寒相催暖相催催了開時催謝時丁寧花放遲 角聲  
吹笛聲吹吹了南枝吹北枝明朝成雪飛

鬪詞鈔

卷三

四十九

又

朝有時暮有時潮水猶知日兩回人生長別離 來有  
時去有時燕子猶知社後歸君行無定期

又

風蕭蕭雨蕭蕭相送津亭折柳條春愁不自聊 烟迢  
迢水迢迢準擬江邊駐畫橈舟人頻報潮

又

烟淒淒草淒淒野火原頭燒斷碑不知名姓誰 印纍  
纍塚纍纍千萬人中幾箇歸榮華朝露晞

又

勸一杯復一杯短鍾相隨死便埋英雄安在哉 詹不  
開懷不開幸有江邊舊釣臺拂衣歸去來

昭君怨 牡丹

會看洛陽舊譜只許姚黃獨步若比廣陵花太虧他  
舊日王侯園圃今日荆榛狐兔君莫說中州怕花愁

又 瓊花

后土宮中標韻天上人間一本道號玉真妃字瓊姬  
我與花會半面流落天涯重見莫把玉簫吹怕驚飛

生查子 元夕戲陳敬叟

繁燈奪霽華戲鼓侵明發物色舊時同情味中年別

閩詞鈔

卷三

五十

淺畫鏡中眉深拜樓西月人散市聲收漸入愁時節

滿江紅 夜雨涼甚忽動從戎之興

金甲瑠戈記當日轅門初立磨盾鼻一揮千紙龍蛇猶  
濕鐵馬曉嘶營壁冷樓船夜渡風濤急有誰憐猿臂故  
將軍無功級 平戎策從軍什零落盡慵收拾把茶經  
香傳時時溫習生怕客談榆塞事且教兒誦花間集歎  
臣之壯也不如人今何及

又 夜飲海棠花下

老子年來頗自許心腸鐵石尚一點消磨未盡愛花成  
癖懊惱卻嫌寒勒住了寧莫被晴烘坼奈暄風烈日太

無情如何得 張畫燭頻頻惜煩素手輕輕摘更幾番  
雨過彩雲無迹今夕不來花下飲明朝空向枝頭覓對  
殘紅滿院杜鵑啼添愁寂

又 范尉梅谷

赤日黃埃夢不到清溪翠麓空健羨君家別墅幾株幽  
獨骨冷肌清偏要月天寒日暮尤宜竹想主人杖屨繞  
千回山南北 寧委澗嫌金屋寧映水羞銀燭歎出羣  
風韻背時妝束競愛東鄰姬傅粉誰憐空谷人如玉笑  
林逋何遜漫爲詩無人讀

又 送宋惠甫入江西幕

閩詞鈔

卷三

五十一

滿腹詩書餘事到穰苴兵法新受了烏公書幣著鞭垂  
發黃紙紅旗喧道路黑風青草空巢穴向幼安宣子頂  
頭行方奇特 溪峒事聽儂說龔遂外無長策便獻俘  
非勇納降非怯帳下健兒休盡銳草間赤子俱求活到  
崆峒快寄凱歌來寬離別

又

落日登樓誰管領倦游狂客待喚起滄浪漁父隔江吹  
笛看水看山身尚健憂晴憂雨頭先白對暮雲不見美  
人來遙天碧 山中鶴應相憶沙上鷺渾相識想石田  
茅屋草深三尺空有髯如潘騎省斷無面見陶彭澤便

倒傾海水浣衣塵難湔滌

又送王實之

天壤王郎數人物方今第一談笑裏風霆驚座雲烟生  
筆落落元龍湖海氣琅琅董相天人策問如何十載尚  
青衫諸侯客易愛底些官職難保底些名節擬閉門  
投轄劇談三日疇昔評君天下寶當爲天下蒼生惜向  
臨分慷慨出商聲摧金石

又和王實之韻送鄭伯昌

怪雨盲風留不住江邊行色煩問訊冥鴻高士釣鰲詞  
客千百年傳吾輩語二三子繫斯文脈聽王郎一曲玉  
鬮詞鈔

卷三

五十二

簫聲淒金石 晞髮處怡山碧垂釣處滄海白笑而今  
拙宦他年遺直只願長留相見面未宜輕屈平生膝有  
狂談欲吐且休休驚鄰壁

又再和

往日封章曾聳動君王顏色今得似三閭公子四明狂  
客古不能箝民口者天方欲壽中朝脈算人間豈有病  
無醫須鍼石 年冉冉袍猶碧心耿耿頭先白笑臣舒  
迂緩臣山愚直拂袖歸來羞炙手望塵拜了難伸膝把  
富春瀨與首陽山圖齋壁

又三和

三黜歸來飯疏食渾無慍色中年後家如旅禽身如行  
客軒冕豈非疣贅具烟霞已是膏盲脈有些兒隙地更  
疏泉堆卷石鄰媪餉新篔碧溪友賣鮮鱗白向陳篇  
冷笑孔明元直俗事不教汚兩耳燕居聊可盤雙膝取  
當年行腳一枝筇懸高壁

又四和

疇昔臚傳仗下奏祥雲五匄何況是西山弟子鶴山賓  
客上帝照臨忠義膽名師付授文章脈問此君彷彿似  
何人徂徠石園官菜登盤碧田舍米翻匙白懶投詩  
見素寄書杓直德耀不嫌爲隱髻龜兒已解搖吟膝有  
閩詞鈔

卷三

五十三

誰憐給札老相如家徒壁

又五和

下見西山料他日面無慍色君記取不爲呂黨亦非秦  
客有意挽回當世事無方延得諸賢脈笑海波渺渺幾  
時平空銜石園五畝紛紅碧家四世傳清白任天孫  
笑拙女嬃嫌直老去何煩援以手向來不要加諸膝待  
深山深處著茆齋看青壁

又

和吳叔永尚書韻時吳喪少子

著破青鞋渾不意踏他龍尾更冷笑癡人擘畫二三百  
歲殤子彭篋誰壽天靈均漁父爭醒醉向江天極目羨

禽魚攸然矣 杯中物姑停止牀頭易聊拋廢慨事常  
八九不如人意白雪調高尤協律落霞語好終傷綺待  
頰公老手一摩挲文公記

又 端午

梅雨初收渾不辨東陂南蕩清且裏鼓鏡動地車輪空  
巷畫舫稍慚京輦俗紅旗會踏吳兒浪共葬魚娘子斬  
蛟翁窮懽賞 麻與麥俱成長蕉與荔應來享有累臣  
澤畔感時惆悵縱使菖蒲生九節爭如白髮長千丈但  
浩然一笑獨醒人空悲壯

又 中秋

閩詞鈔

卷三

五十四

說與行雲且擱就姮娥今夕俄變現金蟻能紫玉蟾能  
白九萬里風清黑青三千世界純銀色想天寒桂老已  
吹香堪攀摘 湘如遠誰鳴瑟桓伊去誰橫笛歎素光  
如舊朱顏非昔老去歡悰無奈減愁來酒量常嫌窄倩  
何人天外挽冰輪長留得

又 次徐使君燈夕韻

笳鼓春城處處有豐年語笑渾忘卻金蓮前尊青藜下  
照白雪唱來應寡和朱顏老去難重少羨黑頭四十已  
專城真英妙 奎文寵崇儒教田老喜寬租詔有畚陵  
之什無潮州表怪雨盲風稀發作華星秋月爭光耀看

來年此夜侍端門開佳兆

又海棠

壓倒羣芳天賦與十分穠豔嬌嫩處有情皆惜無香何  
嫌恰則才如鍼粟大忽然誰把燕支染放遲開不肯堦  
梅花羞寒儉 時易過春難占歡事薄才情欠覺芳心  
欲許冶容微斂四畔人來攀折去一番雨過離披漸更  
那堪幾陳陳夜來風吹千點

水龍吟

己亥自壽二首

年年歲歲今朝左弧懸罷渾無事吾衰久矣我辰安在  
老之將至懶寫京書怕看除日散人佳思把東籬掩定  
闋詞鈔

卷三

五十五

北窗開了悠然酌頽然睡 客有過門投贄道先生訪  
華胥氏誰能辛苦陪他綺語記他奇字屈指先賢戴花  
老監豈其苗裔待異時約取寬夫彥國入耆英會

又

先生放逐歸來不如前輩抽身早臺郎舊秩看來卻似  
散人新號起舞非狂行吟非怨高眠非傲歎終南捷徑  
太行盤谷用卿法從吾好 閉了草廬長嘯後將軍來  
時休報牀頭書在古人出處今人非笑製箇閑詞呷些  
薄酒野花簪帽願雲臺任滿又還仍任賽汾陽考

又自和前韻

病翁一榻蕭然

劉屏山自號病翁

不知世有歡娛事雀羅廕院

載醪客去催租人至報答秋光要些酒量要些詩思奈  
長鯨罷吸寒蛩息響茶甌外惟貪睡窮巷幸無干贄  
或相過莫知誰氏柴門草戶闕人守舍任他題字自和  
山歌國風之變離騷之裔待從今去願年年強健插花  
高會

又

平生酷愛淵明偶然一出歸來早題詩信意也書甲子  
也書年號陶侃孫兒孟嘉甥子疑狂疑傲與柴桑樵牧  
斜川魚鳥同盟後歸於好除了登臨吟嘯事如天莫

閩詞鈔

卷三

五十六

來諮報田園閒靜市朝翻覆回頭堪笑節物催人束籬  
把菊西風吹帽做先生處士一生一世不論資考

風流子

白蓮

松桂各參天石橋下新種一池蓮似仙子御風來從姑  
射地靈獻寶瘞向藍田笑曾入先生虛白室不喜傅朱  
鉛記茂叔溪頭深衣聽講遠公社裏素衲安禪山間  
多紅鶴端相久驀地飛去踟躕但蝶戲鶯翹有時偷近  
旁邊對月中乍可伴娥孤冷牆頭誰肯窺玉三年俗客  
濃妝安知國豔天然

滿庭芳

記夢

涼月如冰素濤翻雪人世依約三更扁舟乘興莫計水  
雲程忽到一洲奇絕花無數多不知名渾疑是芙蓉城  
裏又似牡丹坪蓬萊應不遠天風海浪滿目淒清更  
一聲鐵笛石裂龍驚回顧塵寰局促揮袂去散髮騎鯨  
蘧蘧覺覺來是夢鐘動野雞鳴

賀新郎

吾少多奇節頗擲玉關定遠壺頭新息一劔防身行  
萬里選甚南溟北極看塞雁啣來秋色不但槩棋誇妙  
手管城君亦自無勍敵終賈輩恐難匹酒腸詩膽新  
來窄向西風登高望遠亂山斜日安得良弓并快馬聊  
闋詞鈔

卷三

五十七

與諸公角力漫醉把闌干頻拍莫恨寒蟾離海晚待與  
君秉燭遊今夕歡易買健難得

又送陳真州子華

北望神州路試平章這場公事怎生分付記得太行山  
百萬曾入宗爺駕馭今把作握蛇騎虎君去京東豪傑  
喜想投戈下拜真吾父談笑裏定齊魯兩河蕭瑟惟  
狐兔問當年祖生去後有人來否多少新亭揮淚客誰  
夢中原塊土算事業須由人做應笑書生心膽怯向車  
中閉置如新婦空目送塞鴻去

又杜子昕凱歌

盡說番和漢這琵琶依稀似曲驀然絃斷作麼一年來  
一度欺得南人技短歎幾處城危如卯元凱後身居玉  
帳告天驕休作尋常看看布嚴令運竒算 開門決鬪雌  
雄判笑中宵奚車瓊屋獸驚禽散箇箇危冠橫塵柄誰  
了君王此段也莫靠長江能限不論周郎并幼度便仲  
尼復起嗟微管馳露布築京觀

又 跋唐伯玉奏稿

宣引東華去似當年文皇親擢馬周徒步殿上風霜生  
白簡下殿扁舟已具怎不與官家留住古有一言腰相  
印誰教他滿篋櫻鱗疏還笏退不回顧 新來邊報猶  
聞詞鈔

卷三

五十八

飛羽問諸公可無長策少寬明主攀檻朱雲頭雪白流  
落如今底處但一片丹心如故賴有越臺堪眺望那中  
原莫已平安否風急惡海天暮

又 送唐伯玉還朝

驂騎聯編至道臺家籌邊方急酒行姑止作麼攜將琴  
鶴去不管州人墮淚與富貴平生無味可但紅塵難著  
脚便山林未有安身地搔白髮兀相對 前身小范疑  
公是憶當年天章閣上建明尤偉慶歷諸賢方得路便  
不容他老子須著放延州城裏一句殷勤牢記取在朝  
廷最好圖西事何必向玉關外

又 送黃成甫還朝

飛詔從天下道中朝名流欲盡君王思賈時事祇今堪  
痛哭未可徐徐俟駕好着人扶將宗社多少法筵龍象  
衆聽靈山囑付些兒話千百世要傳寫 子方行矣乘  
驄馬又送他江南太史去遊檀廈老我伴身惟有影倚  
遍風軒月榭悵玉手何時重把君向柳邊花底問看貞  
元朝士誰存者桃滿觀幾開謝

又 端午

深院榴花吐畫簾開練衣紈扇午風清暑兒女紛紛誇  
結束新樣釵符艾虎早已有遊人觀渡老大逢場慵作

閩詞鈔

卷三

五十九

戲任陌頭年少爭旗鼓溪雨急浪花舞 靈均標致高  
如許憶生平旣紉蘭佩更懷椒醕誰信騷魂千載後波  
底垂涎角黍又說是蛟饒龍怒把似而今醒到了料當  
年醉死差無苦聊一笑弔千古

又 九日

湛湛長空黑更那堪斜風細雨亂愁如織老眼平生空  
四海賴有高樓百尺看浩蕩千崖秋色白髮書生神州  
淚儘淒涼不向牛山滴追往事去無跡 少年自負凌  
雲筆到而今春華落盡滿懷蕭瑟常恨世人新意少愛  
說南朝狂客把破帽年年拈出若對黃花孤負酒怕黃

花也笑人岑寂鴻北去日西匿

又 寄題聶侍郎鬱孤臺

絕頂規危榭跨高寒鳥飛不過雲生其下斤斲無聲人  
按堵翕忽青紅變化覽城郭山川如畫閣老鳳樓修造  
手笑談間突出凌雲厦臺上景買無價 唾壺塵尾登  
臨暇似當年文章太守歐陽公也傾倒贛江供硯滴荆  
斷雪天月夜更喚取鄒枚司馬銅雀凌歊歌舞罷訪殘  
磚斷甃無存者餘翰墨被風雅

又

動地東風起畫橋西遶溪桑柘漫山桃李寂寂墻陰蒼  
閩詞鈔 卷三 六

苔逕猶印前回屐齒驚歲月颺馳雲駛太息攀翻長亭  
樹是先生手種今如此君不樂欲何俟 旁人誰會淵  
明意笑斯翁皇皇汲汲登山臨水佳處徑呼籃輿去彷彿  
柴桑栗里從我者門生兒子嘗試平章先賢傳屈原  
醒不似劉伶醉拚醪酌臥花底

又 宋菴訪梅

鵲報干林喜還猛省謝家池館早寒天氣要與瑤姬叙  
離索草草杯盤藉地悵減盡何郎才思不願玉堂并金  
屋願年年歲歲花間醉餐秀色挹高致 西園飛蓋東  
山妓問何如半山雪裏孤山烟外管甚夜深風露冷人

與長餅共睡任翠羽枝頭多事老子平生無他過爲梅花受取風流罪簪白髮莫教墜

又 游水東周圍

溪上收殘雨倚畫闌薄綿乍脫日陰亭午闌市不知春色處散在荒園廢壑漸小白長紅無數客子雖非河陽令也隨緣暫作鶯花主那可負簪中醕 碧雲四合千巖暮恨匆匆余方有事子姑歸去趁取羣芳未搖落服日提魚就煮歎激電光陰如許回首明年何處在問桃花尙記劉郎否公莫笑醉中舞

又 和詠茶蘼

閩詞鈔

卷三

六十一

曾與瑤姬約恍相逢翠裳搖曳珠鞦聯絡風露青冥非人世攬結玉龍驂鶴愛萬朶千條纖弱禱祝花神憐惜取到開時晴雨須斟酌枝上雪莫消却 惱人匹似中狂藥凭危闌燭光交映樂聲遙作身上春衫香熏透看到參橫月落算茉莉猶低一著坐有緱山王郎子倚玉簫度曲難爲醉君不飲鑄成錯

又 用前韻咏黃茶蘼

淺把宮黃約細端相普陀巖裏金身珠絡萼綠華輕羅襪小飛下祥雲仙鶴朶朶賽蜂腰纖弱已被色香撩病思儘鴉兒酒美無多酌看不足怕殘却 人間難得傷

春藥更枝頭流鶯呼起少年狂作留取姚家花相伴羞  
與萬紅同落未肯讓蠟梅先著樂府今無黃絹手問斯  
人清唱何人醉休草草認題錯

又 謝贈芍藥

一夢揚州事畫堂深金瓶萬朵元戎高會座上祥雲層  
層起不減洛中姚魏歎別後關山迢遞國色天香何處  
在想東風猶憶狂書記驚歲月一彈指 數枝清曉煩  
馳騎向小窻依稀重見蕪城妖麗料得花憐儂消瘦儂  
亦憐花憔悴漫悵望竹西歌吹老矣應無騎鶴日但春  
衫點點當時淚那更有舊情味

閩詞鈔

卷三

六十二

又 郡宴和韻

草草池亭宴又何須珠鞵絡臂琵琶遮面賓主一時詞  
翰手倏忽龍蛇滿案傳寫處塵飛鶯囀但得時平魚稻  
熟這腐儒不用青精飯陰霧掃霽華見 使君償了豐  
年願便從今也無敲朴也無厨傳試拂籠紗看壁記幾  
箇標名渠觀想九牧聞風爭羨此老飽知民疾苦早歸  
來載筆薰風殿詩有諷賦無勸

又 題蒲澗寺

風露驅炎毒記仙翁飄然謫墮吹笙騎鶴歷歷漢初秦  
季事山下瓜猶未熟過眼見羣雄分鹿想得拂衣游汗

漫試回頭劉項俱蠻觸  
斫鯨鱸脯麟肉  
越人好事因成俗  
擁遨頭如雲士女  
山南山北問訊先生  
無恙否齊魯千戈  
滿目且遊戲扶胥  
黃木不是世無瓜  
樣棗便有來肯飽  
癡兒腹聊舉酒笑  
相屬

又王實之喜子出嶺南命愛姬歌新詞以相勞輒次其韻

此腹元空洞少年時諸公過矣上天吹送老大被他禁  
害煞身與浮名孰重這鼓笛休休拈弄彩筆擲還殘錦  
去願今生來世無妖夢且飯犢莫吞鳳  
新來瘡啞如翁仲羨王郎驂鸞縹緲玉笙吹動應笑夔州村裏女灸  
面生愁進奉要絕代傾城安用今古何人知此理有吾  
閩詞鈔 卷三 六十三

家酒德先須頌三萬卷漫充棟

又蒙恩主崇禱用前韻

主判茅君洞有檐間查查喜鵲曉來傳送幾度黃符披  
戴了此度君恩越重僕五任祠廟南岳仙都玉局雲臺并茲爲五被賀監天

隨調弄做取散人千百歲笑渠儂一霎邯鄲夢歌而過  
鳳兮鳳 灌園織履希陳仲問先生加齊卿相可無心  
動除却醴泉中太乙揀箇名山自奉那捷逕輸他藏用  
有耳不曾聞黜陟免教人貶駁徂徠頌服蘭佩結茆棟  
又郡會聞妓歌有感

妾出於微賤少年時朱絃彈絕玉笙吹遍粗識國風關

雖亂羞學流鶯百轉總不涉閨情春怨誰向西鄰公子  
說要珠鞍迎入梨花院身未動意先嬾 主家十二樓  
連苑那人人靚妝按曲繡簾初捲道見華堂簫管唱笑  
煞街坊拍袞回首望侯門天遠我有平生離鸞揜頰哀  
而不愠微而婉聊一奏更三嘆

又 生日和實之來韻

髯雪今千縷更休休癡心默望故人明主晚學瞿曇無  
所得不解飛昇滅度似曉鼓鼙擗五散盡朝來湯餅  
客且烹雞要飯茅容母怕回首太行路 麟臺學士微  
雲句便尊前周郎復出審音無誤安得春鶯雪兒輩輕  
閩詞鈔

卷三

六十四

拍紅牙按舞也莫笑儂家蠻語老去山歌尤協律又何  
須手筆如燕許援琴搯捉筆杜

又 九日郊行

老去光陰駛向西風疎林變纈殘霞成綺尙喜暮年腰  
脚健不礙登山臨水算自古英遊能幾客與桓公俱臭  
腐獨流傳吹帽狂生爾後來者亦猶此 籃輿伊軋柴  
桑里問黃花沒些消息空籬而已賴有一般芙蓉月偏  
照先生懷裏且覓箇闌干同倚檢點尊前誰見在憶平  
生共插茱萸底歡未足飲姑止

又 己未九日飲倉部弟兌菴

憶昔俱年少向斯晨登高懷古賦詩舒嘯追數尊前插  
花客人物並皆佳妙禁幾度西風殘照元子寄奴曾富  
貴到而今一一消磨了君不樂後人笑 山南山北添  
華表歎歸來謝池草合黃臺仄少老去受持齊物論誰  
管彭殤壽夭待細說教天知道不羨兩蘇并二宋願弟  
兄歲歲同吹帽杯到手莫辭醕

又再和

何必遊嵩少屋邊山松風浩蕩虎龍吟嘯舊慕楚人悲  
秋作晚愛陶詩高妙髮如此臨流羞照屈指向來夸毗  
子被西風一筆都勾了曾不滿達人笑 當年玉振於  
闡詞鈔

卷三

六十五

江表悵而今老身空在歡欣全少假使真如彭祖壽蒙  
叟猶啜渠天偶落筆不經人道歲晚連床談至曉勝岡  
頭出沒看烏帽君舉白我頻醕

又三和

人老難重少強追陪李侯痛飲劉郎清嘯報答秋光無  
一字虛說君房語妙且匣起青銅休照賴有多情籬下  
菊待西風不肯先開了留晚節發孤笑 孔璋客紹衡  
依表有誰憐戴花翁病插萸人少生不逢場閑則劇年  
似龔生猶天喫緊處無人曾道到得扶他迂叟出算貂  
蟬未抵深衣帽街酒賤更沽醕

又

拂袖歸來也懶追陪竹林嵇阮蘭亭王謝誰與此翁相  
暖熱賴有平生伯雅且放意高吟閑話山鳥山花皆上  
客又何須勝似公榮者胸磊塊總澆下 盤龍癡絕求  
鵝炙這先生黃齏饍熟味珍無價酒頌一篇差要妙莊  
列諸書土苴任禮法中人嘲罵君特未知其趣耳若還  
知火急求投社共秉燭惜今夜

八聲甘州

雁

物微生處遠往還來非但稻粱求似愛長安日怕陰山  
雪善自爲謀箇裏幸無鳴鏑隨意占沙洲歸興何妨待  
闌詞鈔

卷三

六十六

風景和柔 昔到衡陽回去今隨陽避地遍海南頭與  
西川流寓彼此各淹留未得雲中消息登望鄉臺了又  
登樓江天闊幾行人字字字含愁

燭影搖紅

用林卿韻

拙者平生不曾乞得天孫巧那回忝扈屬車來豈是齊  
卿小此膝不曾屈了更休文腰難運掉前賢樣子表聖  
宜休申公告老 涼簟安眠絕勝儼直鈴聲悄集中大  
半是詩詞幸沒潮州表月夕花朝吟嘯歎人間愁多樂  
少蓬萊有路辦箇船兒逆風也到

祝英臺近

雨淒迷風料峭情緒被花惱白白紅紅滿地無人掃可  
堪解佩盟寒墜樓命薄更杜宇枝頭閑燭綠陰遶青  
帝結束匆匆轉眼朱明了怕與春詞茗芋玉山倒後期  
覺做明年年年春好却不道明年人老

最高樓

題周登樂府

周郎後直數到清真君莫是前身入音相應諧韶樂一  
聲未了落梁塵笑而今輕郢客重巴人只少箇綠珠  
橫玉笛更少箇雪兒彈錦瑟欺晏賀壓黃秦可憐樵唱  
并菱曲不逢御手與龍巾且酣眠篷底月甕間春

風入松

福清道中作二首

鬲詞鈔

卷三

六十七

橐泉夜斷夢初長別館淒涼細思二十年前事歎人琴  
已矣俱亡改盡潘郎髣髴髮銷殘荀令衣香多年布被  
冷如霜到處同床簫聲一去無消息但回首天海茫茫  
舊日風烟草樹而今總斷人腸

又

歸鞍尙欲小徘徊逆境難排人言酒是銷愁物奈病餘  
孤負金壘蕭瑟搗衣時候淒涼鼓缶情懷遠林搖落  
晚風哀野店猶開多情惟是燈前影伴此翁同去同來  
逆旅主人相問這回老似前回

又

癸卯至石塘追和十五年韻

殘更難睡抵年長曉月淒涼芙蓉院落深深閉歎芳卿  
今在今亡絕筆無求鳳曲癡心有返魂香 起來休鐻  
髻邊霜半被堆床定歸兜率蓬萊去歎人間無路茫茫  
緣斷漫三彈指憂來欲九回腸

又

攀翻宰樹暫徘徊草草安排昔人徒步陳雞絮媿公家  
僕馬觥罍華表舊愁滿目黃梁殘夢傷懷 欲將莊列  
等歡哀對卷慵開憑高指點虛無路問何年遼鶴歸來  
宿酒得風漸解小輿待月同回

臨江仙 和王實之燈夕

閩詞鈔

卷三

六十八

玉笛鈿車當日事東塗西抹都曾等閑曲子壓和凝縱  
遊非草草已醉強惺惺 今向三家村送老身如罷講  
吳僧高樓百尺不須登半爐燒葉火一盞勸書燈

又 縣圃種花

落魄長官江海客少豪萬里尋春而今憔悴向溪濱斷  
無觴詠興惟有簿書塵 手插海棠三百本等閑妝點  
芳辰他年絳雪映紅雲丁寧風與月記取種花人

又 九日

去歲越王臺上飲席間二客如龍憑高弔古壯懷同馬  
嘶千嶂暮樂奏半天中 今歲三家村市裏故人各自

西東菊花時節酒尊空可憐雙雪鬢禁得幾秋風

又 湖志道中

不見仙湖能幾日塵沙變盡形容夜來月冷露華濃都  
忘茆屋下但計畫船中 兩岸綠陰猶未合更須補竹  
添松最憐幾樹木芙蓉手栽才數尺別後爲誰容

浪淘沙

紙帳素屏遮全似僧家無端霜月闌窻紗喚起玉關征  
戍夢幾疊寒笳 歲晚客天涯短髮蒼華今年衰似去  
年些詩酒新來都倚闌孤負梅花

又

闌詞鈔

卷三

六十九

疊障碧週遮遊子思家掩藏白髮賴烏紗落日倚樓干  
萬恨社鼓城笳 老去淡生涯虛擲年華蠟茶孟子太  
清些待得癡兒公事畢謝了梅花

又 素馨

目力已茫茫縫菊爲囊論衡何必帳中藏却愛素馨清  
鼻觀採半禪床 風露送新涼冰麝開房旋吹銀燭閉  
華堂無奈紗厨遮不住一地聞香

法駕導引

樵歌爛丹竈熟一跳出紅塵斗紫一雙龍奮螭帝青九  
萬里爲程赤脚踏層雲 鞭鸞上騎麟下彷彿觀崑崙

酒馬鬣泉蘇赤地翻蟾滴水漲滄溟笑敦惜仙人

一剪梅

袁州解印

陌上行人怪府公還是詩窮還是文窮下車上馬太匆  
匆來是春風去是秋風階銜免得帶兵農嬉到昏鐘  
睡到齋鐘不消提岳與知宮喚作山翁喚作溪翁

又

赴粵王實之夜餞楓亭

束縑宵行十里強挑得詩囊拋了衣囊天寒路滑馬蹄  
僵元是王郎來送劉郎酒酣耳熱說文章驚倒鄰牆  
推倒胡床旁觀拍手笑疎狂又何妨狂又何妨

踏莎行

九日

閩詞鈔

卷三

七十

日月跳丸光陰脫兔登臨不用深懷古向來吹帽插花  
人盡隨殘照西風去老矣征衫飄然客路炊烟三兩  
人家住欲攜斗酒答秋光山深無覓黃花處

玉樓春

呈林節推

年年躍馬長安市客舍似家家似寄青錢換酒日無何  
紅燭呼盧宵不寐易挑錦字機中字難得玉人心下  
事男兒西北有神州莫洒水西橋畔淚

鷓鴣天

戲題周登樂府

詩變齊梁體已澆香奩新製出唐朝紛紛競奏桑間曲  
寂寂誰知爨下焦揮彩筆展紅綃十分峭措稱妖嬈

可憐才子似公瑾未有佳人敵小喬

卜算子

惜海棠二首

盡是手成持合得天饒借風雨於花有底讐著意相凌  
藉 做暖逼教開做冷催教謝不負明年花下人只負  
栽花者

又

片片蝶衣輕點點猩紅小道是天公不惜花百種千般  
巧 朝見樹頭繁暮見枝頭少道是天公果惜花雨洗  
風吹了

又

閩詞鈔

卷三

七十一

亂似盆中絲密似風中絮行遍茫茫禹跡來底見無愁  
處 好客挽難留俗事推難去惟有翻身入醉鄉愁欲  
來無路

又燕

已怪社愆期尙喜巢如故過了清明未肯來莫被春寒  
誤 常傍畫簷飛忽委空梁去忘却王家與謝家別有  
啣泥處

又茉莉

老圃獻花來異域移根至相對炎官火傘中便有清涼  
意 淡薄古梳妝爛雅仙標致欲起涪翁再品花壓了

山啓弟

朝天子

宿雨頻飄洒歡喜煞西疇畊者終朝連夜有珠璣鳴瓦  
漸白水青秧鷗鷺下老學種花兼學稼心兩挂這幾  
樹海棠休也

清平樂

五月十五玩月

纖雲掃跡萬頃玻璃色醉跨玉龍游入極歷歷天青海  
碧 水晶宮殿飄香羣仙方按霓裳消得幾多風露變  
教人世清涼

又

閩詞鈔

卷三

七十二

風高浪快萬里騎蟾背曾識姮娥真體態素面元無粉  
黛 身遊銀闕珠宮俯看積氣濛濛醉裏偶搖桂樹人  
間喚作涼風

又

贈揚州陳師文叅議舞姬

宮腰束素只怕能輕舉好築避風臺護取莫遣鶯鴻飛  
去 一團香玉溫柔笑鬢俱有風流貪與蕭郎看語不  
知舞錯伊州

又

丹陽舟中

休彈別鶴淚與絃俱落歡事中年如水薄懷抱那堪作  
惡 昨宵月露高樓今朝烟雨孤舟除是無身方了有

身長是閑愁

菩薩蠻 戲林節推

小鬟解事高燒燭羣花圍繞携蒲局道是五陵兒風騷  
滿肚皮 玉鞭鞭玉馬戲走章臺下笑煞灞橋翁騎驢  
風雪中

憶秦娥

游人絕綠陰滿地芳菲歇芳菲歇養蠶天氣採茶時節  
枝頭杜宇啼成血陌頭楊柳吹成雪吹成雪淡烟微  
兩江南三月

又

闈詞鈔

卷三

七十三

修禊節晉人風味終然別終然別當時賓主至今清絕  
等閑寫就蘭亭帖豈知留與人間說人間說永和之  
歲暮春之月

又

泥滑滑一聲聲喚征鞍發征鞍發客亭楊柳不禁攀折  
荀郎衣上香初歇蕭娘心下書難說書難說霎時吹  
散一生愁絕

又

春醒薄夢中裘馬豪如昨豪如昨月明橫笛曉寒吹角  
古來成敗難描摸而今却愧當時錯當時錯鐵衣猶

在不堪重著

又

梅謝了塞垣凍解鴻歸早鴻歸早憑伊問訊大梁遺老  
浙河西面邊聲悄淮河北去炊烟少炊烟少宣和宮  
殿冷烟衰草

右大全集

水調歌頭 和酉外判宗湖樓韻

君看郭西景渾不減孤山飛樓突兀百尺輪奐侈前觀  
絕唱新詞寡和墮淚舊碑無恙往事付鶯瀾不見遼鶴  
返惟對水鷗閑 又何必珠翠盛管絃歡唾壺塵尾瀟  
灑領客上高寒永相功存宗廟祭酒義兼家國世事尙  
相關風月寓意耳莫作晉人看

闌詞鈔

卷三

七十四

右花菴詞選

如夢令

今夜荼蘼風起應是玉消瓊碎澹蕩滿城春惱破愁人  
春睡須醉須醉莫待黃梅雨細

右 御選歷代詩餘

閩詞鈔卷三終

閩詞鈔卷四目錄

馬子巖 十四首

嚴仁 三十首

嚴參 二首

嚴羽 一首

陳以莊 三首

李芸子 一首

黃公紹 二首

馮取治 十七首

馮艾子 六首

李振祖 一首

陳德武 三十二首

黃鑄 二首

黃簡 三首

鄭楷 一首

李呂 三首

劉學箕 三十五首

留元剛 一首

留元崇 一首

閩詞鈔

卷四目錄

廖瑩中 一首

翁孟寅 四首

吳激 七首

洪希文 一首

福建十子 一首

葛長庚 八十二首

蘇氏 六首

阮氏 一首

孫氏 八首

凡二十七家共詞二百六十六首

閩詞鈔卷四

閩中葉申薊編輯

馬子巖

建安人字莊甫自號古洲居士仕至岳陽守

水龍吟

爲陳坂種玉莊作

買莊爲貯梅花玉妃一萬森庭戶古來詞客比方不類  
可憐毫楮誰掃塵凡獨超物表神仙中取是崑邱標致  
姑山風骨除此外吾誰與九醞醞雪乳和金盤月  
邊清露壽陽嬌駭單于疎賤不堪充數弄玉排簫許瓊  
揮拍胎禽飛舞待先生披著羊裘鶴氅作園林主

又海棠

閩詞鈔

卷四

東君直是多情好花一夜都開盡杏梢零落藥闌遲暮  
不教寧靜風度秋千日移簾幙翠紅交映正太真浴罷  
西施濃抹都沈醉嬌相稱屏遍綠窗銅鏡挽春衫不  
堪比並暮雲空谷佳人何處碧苔侵逕睡裏相看酒邊  
凝想許多風韻問因何卻欠一些香味惹旁人恨

臨江仙

上元

人意舒閑春事到徐徐弄日微雲翠鬢飛遶鬧蛾羣烟  
橫沽酒市風轉落梅邨歲事一新人半舊相逢際晚  
醺醺花間亭館柳間門剋除風雨外排日醉紅裘

月華清

憶別

瑟瑟秋聲蕭蕭天籟滿庭搖落空翠數遍丹楓不見葉  
問題字人何處千里嬋娟愁不斷一江流水遙睇見征  
鴻幾點碧天無際 悵望月中仙桂問竊藥佳人誰與  
同歲把鏡當空照盡別離情意心裏恨莫結丁香琴上  
曲休彈秋思怕裏又悲來老卻蘭臺公子

賀聖朝

游人拾翠不知遠被子規呼轉紅樓倒影背斜陽墜幾  
聲絃管 荼蘼香透海棠紅淺恰平分春半花前一笑  
不須慳待花飛休怨

魚游春水

閨詞鈔

卷四

池塘生春草數盡歸鴻人未到天涯目斷青鳥尚賒音  
耗曉月頻窺白玉堂暮雨還溼青門道巢燕引雛乳鶯  
空老 庭際香紅倦掃乾鶻休來枝上噪前回準擬同  
他翻成病了欲題紅葉憑誰寄獨抱孤桐無心挑眉間  
翠攢髻邊霜早

海棠春

柳腰暗怯花風弱紅映秋千院落歸逐燕兒飛斜撼眞  
珠箔 滿林翠葉燕支萼不忍頻頻覷著護取一庭春  
莫彈花間鶻

鷓鴣天

睡鴨徘徊烟縷長日高春困不成妝步歌草色金蓮潤  
撚斷花枝玉筍香輕洛浦笑巫陽錦紋親織寄檀郎  
兒家閉戶藏春色戲蝶游蜂不敢狂

歸朝懽

聽得提壺沽美酒人道杏花深處有杏花狼籍鳥啼風  
十分春色今無九麝煤銷永晝青烟飛上庭前柳畫堂  
深不寒不暖正是好時候團團寶月憑纖手暫借歌  
喉招舞袖真珠滴破小槽紅香肌縮盡纖羅瘦投分須  
白首黃金散與親和舊且銜盃壯心未落風月長相守

孤鸞

閩詞鈔

卷四

三

沙隄春軟正宿雨初收落梅飄滿可奈東風暗逐馬蹄  
輕捲湖波又還漲綠粉牆陰日融烟暖驀地刺桐枝上  
有一聲春喚任酒帘飛動畫樓晚便指數燒燈時節  
非遠陌上叫聲好是賣花行院玉梅對妝雪柳鬧蛾兒  
象生嬌顫歸去爭先戴取倚寶釵雙燕

阮郎歸

清明寒食不多時香紅漸漸稀翻騰妝束鬧蘇隄留春  
春怎知花褪雨絮沾泥凌波寸不移三三兩兩叫船  
兒人歸春也歸

朝中措

竹

龍孫脫穎破苔紋英氣欲凌雲深處未須留客春風自  
掩柴門蒲團宴坐輕敲茶臼細撲爐熏彈到琴心三  
疊鷓鴣啼破黃昏

二郎神

柳花

日高睡起又恰見柳稍飛絮倩說與年年相挽卻又因  
他相誤南北東西何時定看出沼青浮無數念蜀郡風  
流金陵年少那尋張緒應許雪花比並撲簾堆戶更  
羽綴游絲蘊鋪小逕腸斷鶉鴣喚雨舞態顛狂恨腰輕  
怯散了幾回重聚空暗想昔日長亭別酒杜鵑催去

閩詞鈔

卷四

四

右詞綜

賀新郎

客裏傷春淺問今年梅蕊因甚化工不管陌上芳塵行  
處滿可計天涯近遠見說道迷樓左畔一似江南先得  
暖向何郎庭下都尋遍孤負了看花眼古來好物難  
爲伴只瓊花一種傳來仙苑獨許揚州作珍產須勝了  
千千萬萬又卻待東風吹綻自昔聞名今見面數歸期  
屈指家山晚歸去說也希罕

右 御選歷代詩餘

嚴

仁

邵武人字次山與同族嚴羽嚴參  
齊名時稱三嚴詞名清江欵乃

